



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 КТРО 0020114 21

Sarajevo, 30.05.2022. godine

SUDU BOSNE I HERCEGOVINE  
-Sudiji za prethodno saslušanje-

Na osnovu člana 35. stav 1. i 2. tačke i) i člana 226. i 227. Zakona o krivičnom postupku BiH, podižem:

OPTUŽNICU

Protiv: Velić Ahmeta, zvanog „Zelo“, [REDACTED] rođenog [REDACTED] 1980. godine u Zenici, [REDACTED]

[REDACTED] državljanina BiH, [REDACTED]

Što je:

Dana, 11.01. i 12.01.2021. godine u prostorijama koje nisu registrovane za skladištenje robe i koje se nalaze u Zenici, u ulici [REDACTED], u dvjema gražama, [REDACTED], u vlasništvu [REDACTED], a koje je osumnjičeni Ahmet Velić koristio, prilikom pretresa garaža, od strane službenika UIO BiH, RC Sarajevo i policijskih službenika MUP-a ZDK, u garaži označenoj pod rednim brojem [REDACTED], zatečen da je uskladištio veću količinu raznih vrsta cigareta i rezanog duhana bez akciznih markica i dokumentacije o porijeklu, na koje se plaća porez isključivo po poreznom zakonodavstvu BiH-akciza, ukupno 174 paklica cigareta i to: 100 paklica cigareta „Manchester plavi“, 10 paklica cigareta „Manchester

crni“ i 64 paklice cigareta „Virginia king“, kojom prilikom je takođe zatečeno u istoj garaži 3 x 0,5 kg rezanog duhana i 17 x 1/20 ručno motanih cigareta, a u garaži rednog broja ■, pronađeno ukupno 13.144 paklica cigareta, sve bez akciznih markica, i to: 2.100 paklica marke „Marilyn pink“, 1.000 paklica cigareta marke „King“, 1.816 paklica cigareta marke „Trocadero blue“, 4.620 paklica cigareta marke „FM Blue“, 2.880 paklica cigareta marke „President“, 80 paklica cigareta „King slims blue“, 108 paklica cigareta marke „Sunny“, 180 paklica cigareta marke „Manchester reserve“, 110 paklica cigareta marke „Royal slims“, 250 paklica cigareta marke „Royal blue“, sve bez akciznih markica, i to u prostoriji koja nije registrovana za tu namjenu, kako je to propisano članom 11. Zakona o unutrašnjoj trgovini Federacije Bosne i Hercegovine („Sl.novine F BiH“ broj 40/2010 i 79/2017), i u pogledu kojih se, kao akciznih proizvoda, skladištenje vrši u smislu člana 14. stav 2. Zakona o akcizama u BiH („Sl.glasnik BiH“ br. 49/09, 49/14 i 60/14 i 91/17), a koji akcizni proizvodi su na navedenoj lokaciji pronađeni i od njega oduzeti prilikom pretresa navedenih prostorija.

**Čime je Velić Ahmet** počinio krivično djelo Nedožvoljeno skladištenje robe iz člana 210b. stav 1. KZ-a BiH.

TUŽILAC  
TUŽILAŠTVA-TUŽITELJSTVA BIH